

ՀԱՅՐԵՆԻՔ-ՍՓԻՒՌ ԳՈՐԾԱԿՑՈՒԹԵԱՆ ՆՈՐ
ՁԵՒԱԶԱՓ. ՀԱՅԱՍՏԱՆ-ՍՓԻՒՌ ԱՌԱՋԻՆ
ԽՈՐՀՐԴԱԺՈՂՈՎԸ

ՔՆԱՐԻԿ ՊԵՏՐՈՍԵԱՆ

k_narik@mail.ru

ՄՈՒՏՔ

1999 Սեպտեմբերի 22-23ին Երեւանում կայացաւ Հայաստան-Սփիւռք համահայկական առաջին խորհրդաժողովը, որի հրաւիրումը պայմանաւորուած էր Հայաստան-Սփիւռք փոխարաքերութիւնները որակական նոր մակարդակով կառուցելու, Հայաստան-Սփիւռք համագործակցութիւնն արդի պահանջներին համապատասխան կազմակերպելու, համահայկական խնդիրները միասնաբար քննարկելու եւ դրանց լուծման ուղիները նախանշելու անհրաժեշտութեամբ¹:

Հայաստան-Սփիւռք առաջին խորհրդաժողովի նպատակն էր քննութեան առնել հաիւթեան համար առաջնահերթ կարեւորութիւն ունեցող խնդիրները, ստեղծել նրանց լուծման իրական լծակներով օժտուած համապատասխան կառոյց՝ համազգային նշանակութիւն ունեցող հարցերը համատեղ քննարկելու եւ միասնական ջանքերով լուծելու, Հայաստանի Հանրապետութեան, Արցախի եւ Սփիւռքի քաղաքական, կրօնական եւ հասարակական ղեկավարներին ազգային նպատակների իրականացման խնդիրների շուրջ համախմբելու համար:

Խորհրդաժողովի արդիւնքների հիման վրայ մշակուելու էին ՀՀ եւ Արցախի պետականութեան զարգացմանն ու ամրապնդմանը, Սփիւռքի առաջնահերթ խնդիրների լուծմանը նպատակաւորուած փոխհամաձայնեցուած ծրագրեր եւ միջոցառումներ՝ հաիւթեան բոլոր հատուածների եւ շրջանակների, իրաքանչիւր հայի գործօն մասնակցութեամբ:

Ա. ՆԱԽԱԳԱՀ ՔՈԶԱՐԵԱՆԻ ԵՒ ՎԱՐԶԱՊԵՏ ՍԱՐԳՍԵԱՆԻ
ԵԼՈՅԹՆԵՐՈՒՄ ԱՐԾԱՐԾՎԱԾ ՀԻՄՆԱԿԱՆ ՀԱՐՅԱԴՐՈՒՄՆԵՐԸ

1999 Սեպտեմբերի 22ին Երեւանի Մարգահամերգային Համալիրում ՀՀ ազգային ժողովի նախագահ Կարէն Դեմիրճեանը հանդիսաւոր պայմաններում ազդարարեց ՀՀ-Սփիւռք առաջին խորհրդաժողովի բացման մասին: «Մեր ազգի բազմադարեան պատմութեան մէջ ներկայացուցչական նման բարձրակարգ հանդիպումը, յալկապէս դարաւերջին ու նոր հազարամեակի շէմին, ինքնին կարելոր է: Մենք ոչ միայն փորձում ենք վերահաստատել մեր հաաքական կամքը

առաջադեմ մարդկությունը համաքայլ ազգային նպատակներն ու իղծերը իրականացնելու գործում, այլեւ միասնական ջանքերով օրակարգ ենք մրցնում ժամանակի հրամայականին համապատասխան ընթացք»²- իր բացման խօսքում նշեց Դեմիրճեանը:

ՀՀ-Սփիւռք խորհրդաժողովին մասնակցեց շուրջ 1200 ներկայացուցիչ՝ աշխարհի ամէլի քան 50 երկրից³: Խորհրդաժողովում հնչեց մօտ 70 ելոյթ, որոնք հիմնականում վերաբերում էին քաղաքականութեանը, տնտեսութեանն ու մշակոյթին⁴: Ելոյթներով հանդէս եկան Ֆրանսիայի, Գերմանիայի, Միացեալ Թագաւորութեան, ՌԴի, Վրաստանի, Ուկրաինայի, Բելառուսի, Իրանի, Թուրքիայի, Լիբանանի, Իսրայէլի, Կանադայի, ԱՄՆի, Արգենտինայի, Բրազիլիայի, Եգիպտոսի, Հնդկաստանի, Չինաստանի, աֆրիկեան երկրների եւ մի շարք այլ համայնքների ներկայացուցիչները: Ներկայացուցեցին զեկույցներ սփիւռքահայ համայնքներին վերաբերող խնդիրների, ՀՀ տնտեսութեան զարգացման եւ Հայրենիք-Սփիւռք համագործակցութեան վերաբերեալ:

Առանցքային էին Նախագահ Քոչարեանի եւ վարչապետ Սարգսեանի ելոյթները, որոնք աչքի ընկան մի շարք ծրագրային դրոյթներով ու հեռանկարային առաջարկութիւններով:

Սփիւռքի պահպանումն առաջնահերթ համարելով՝ Նախագահ Քոչարեանն ընդգծեց, որ ՀՀն պարտաւորութիւն է ստանձնում սփիւռքահայերի համար համապատասխան իրաւական միջավայր ստեղծել ՀՀում, ինչի առաջին քայլը երկքաղաքացիութիւնն է, տարբեր երկրների հետ միջպետական յարաբերութիւններ կառուցելիս Սփիւռքի գործօնը հաշուի առնելու, համահայկական կառույցների ձեւաւորմանը նպաստելու հանգամանքը:

«Առաջին անգամ մենք հաւաքուել ենք աշխարհի բոլոր ծայրերից, որպէսզի անկեղծ երկխօսութեամբ քննութեան առնենք նոր հազարամեակում մեր ազգային ինքնութեան զարգացման հիմնախնդիրները:

...Հայաստանը շատ բան ունի տալու Սփիւռքին, եւ Սփիւռքը բան ունի տալու Հայրենիքին: Սա գիտակցում են բոլորը, բայց այդ երկուստեք հսկայական ներուժը շարունակում է մնալ ներուժ եւ դեռ շատ հեռու է լիարժէք կենսագործումից: Ակնյայտ է, որ թէ՛ Հայաստանի, թէ՛ Արցախի, թէ՛ Սփիւռքի առջեւ ներկաւմս անկալ են անչեւաճգելի լուծում պահանջող ազգային գերխնդիրներ: Առաւել քան ակնյայտ է նաեւ այն, որ այդ խնդիրները լուծելի են մեր ազգային այդ երեք որակների սերտ շարունակական գործակցութեան, ազգային միաբանութեան գերագոյն չափանիշով առաջնորդուելու պայմաններում միայն: Յայտնի է, որ

ազգային միասնության գաղափարը հայ իրականության մշտական ուղեկիցն է եղել»⁵, - ընդգծեց Քոչարեանը:

Անդրադառնալով Սփիտքի կացությանը՝ նախագահը նշեց. «Սփիտքում հայապահպանության խնդիրը լոկ վերացական-զգացմունքային չէ: Այն այսօր դարձել է կենսական՝ առաջին հերթին հենց հայոց պետականության գոյության ու ապագայի համար»⁶: Ըստ Քոչարեանի՝ այդ հանգամանքները հաշուի առնելով՝ պետության դերը Սփիտքի հարցում հիմնականում հանգում էր հետեւեւալներին.

1. Ստեղծել անհրաժեշտ պայմաններ ու հնարավորություններ, ձեռնարկել համակարգում քայլեր՝ նպաստելու հայապահպանության քարենպաստ միջավայրի ստեղծմանը:

2. Միջազգային կանոնակարգերի շրջանակներում պաշտպանել սփիտքահայերի ազգային շահերն ու իրաւունքները:

3. Սփիտքահայերի համար առաւելագոյն նպաստաւոր պայմաններ ստեղծել՝ մասնակցութիւն բերելու ազգային պետականութեան ամրապնդման եւ համազգային խնդիրների լուծման գործին:

4. Հնարաւորութիւններ ու նախադրեալներ ապահովել սփիտքահայութեանն առաւել գործօն ձեւով մասնակից դարձնելու ազգային արժեքների ստեղծման գործին, մշտական ու համակարգում բնոյթ հաղորդել հոգետր, մշակութային, գիտակրթական եւ այլ բնոյթի կապերին ու փոխյարաբերութիւններին:

5. ՀՀում սփիտքահայերի համար ստեղծել կեցութեան իրաւունքի ու իրաւաբաղաքացիական յարաբերութիւնների համապատասխան միջավայր՝ կեանքի կոչելով՝ «Հայաստանը համայն հայութեան հայրենիքն է» կարգախօսը: Դա անկասկած ենթադրում էր երկքաղաքացիութեան ընդունումը:

6. ՀՀում ստեղծել սփիտքահայութեան հետ յարաբերութիւնների բազմաշերտ հանգամանքները հաշուի առնող կառուցումաբային համակարգ:

7. Տարբեր երկրների հետ ՀՀ միջպետական յարաբերութիւնների հաստատման ու զարգացման գործում համակողմանի գնահատել ու հաշուի առնել տուեալ երկրում Հայկական սփիտքի գործօնը:

8. Նախաձեռնել ու նպաստել տարբեր ոլորտներում համազգային հասարակական կառոյցների ձեւաւորմանը:

Ընդգծելով, որ «Ազգային պետականութիւնից անջատ Սփիտքը դատապարտուած է դառնալու մարող պատմական յիշողութիւն, իրաքանչիւր նոր սերունդ ականայ մի քայլ կը հեռանայ իր ազգային ինքնութիւնից»⁷, նախագահը համոզմունք էր յայտնում, որ ազգային պետականութեան առկաիւթեան եւ Մայր Հայրենիքի հետ որոշակի համակարգում ու ներդաշնակ յարաբերակցութեան մէջ Սփիտքը

կարող է դառնալ «ակզիւ վերադարձուող եւ մշտանորոգ ազգային գործօն, սպեղծել իր մնաին ու իւրայայտուկ միկրոկիման՝ թէ՛ առանձին երկրներում եւ թէ՛ փարածաշրջանային ընդգրկումով»⁹:

Ըստ Քոչարեանի՝ Սփիւռքում հայապահպանութեան եւ ազգային լինելութեան գերխնդրի լուծման տեսակետից սփիւռքահայութիւնը երկու հիմնական առաքելութիւն ունէր իրականացնելու.-

ա) Ազգապահպանութեան մնաին խնդիրը՝ բուն Սփիւռքում՝ սեփական ու համազգային կառոյցների միջոցով եւ անկախ ՀՀ ամենակտու մասնակցութեամբ ու աջակցութեամբ.

բ) Անմիջական մասնակցութիւնն ազգային պետականութեան ամրապնդման ու հզօրացման գործին:

ՀՀ Նախագահն իր ելոյթում նախանշեց այն հիմնական ազգային առաջնահերթութիւնները, որոնց շուրջ ծաւալուելու էր Հայրենիք-Սփիւռք նոր համագործակցութիւնը: Որպէս առաջնահերթ նշանակութիւն ունեցող համազգային խնդիրներ Քոչարեանն առանձնացնում էր՝

ա) Հայոց Յեղասպանութեան միջազգային ճանաչումն ու դատապարտումը.

բ) Արցախեան հիմնահարցի արդարացի լուծումը.

գ) Աղէտի գօտու վերականգնումը.

դ) ՀՀ տնտեսական վերելքին նպաստելը.

«Սփիւռքն, իբրեւ իրողութիւն, արդիւնք ու հետեանք է Հայոց Յեղասպանութեան եւ ճակարագրի բերումով հենց նա է սկսել պայքարը միջազգային հանրութեան կողմից Հայոց Յեղասպանութիւնը ճանաչելու եւ դատապարտելու ուղղութեամբ»⁹,- ընդգծում էր նախագահը: Այդ աշխատանքները Սփիւռքը պէտք է շարունակէր նոր թափով արդէն հայրենի պետութեան հետ ուս-ուսի:

Սփիւռքահայութեան մասնակցութեան ձեւերն ազգային պետականութեան հաստատման ու զօրացման գործին, ըստ Քոչարեանի, հիմնականում ներառում էին.

1. Խորհրդատուական մասնակցութիւն՝ յստակ մշակուած ու կիրառելի խորհրդատուական համակարգի միջոցով.

2. Տեղեկատուական ու մասնագիտական օգնութիւն գիտութեան, կրթութեան, առողջապահութեան եւ այլ ոլորտներում.

3. Կազմակերպական եւ քաղաքական համակողմանի աջակցութիւն հայրենի դիւանագիտութեանը:

4. Մարդասիրական օգնութիւն եւ օժանդակութիւն երկրաշարժի հետեանքների յաղթահարմանն ու անցման շրջանում գտնուող ՀՀ սոցիալական խնդիրների լուծմանը.

5. ՀՀ-ում եւ Արցախում տնտեսական ու տարաբնոյթ ձեռնարկատիրական գործունէութեան ծաուալում.

6. Ազգային տուրքի միջոցով մասնակցություն ՀՀ զորացմանը.
7. Մասնակցություն ազգային հիմնահարցերի, նպատակային ծրագրերի մշակման աշխատանքներին.

8. Համատեղ տեղեկատուական ու ճանաչողական աշխատանքների կազմակերպում (տարբեր գաղթօջախների հետ առանձին-առանձին):

Այնուհետև Քոչարեանն առաջարկում էր սկսել մի շարք ծրագրեր, որոնք գործնականում հնարատր էր իրականացնել եւ փոխշահաւետ էին ե՛ւ ՀՀ ե՛ւ Սփիւռքի համար. դրանք էին՝

1. միասնական տեղեկատուական դաշտի ստեղծում՝ արբանեակային կապի միջոցով կազմաւորելով համազգային հեռուստաալիք:

2. Համահայկական զարգացման գործակալութեան ստեղծում, որի միջոցով Սփիւռքը աշխուժօրէն կը ներգրատւէր ՀՀ տնտեսութեան մէջ:

3. «Հայաստան» Համահայկական Հիմնադրամի գործունէութեան աշխուժացում, որն ըստ էութեան, նախագահը համարում էր համազգային կառոյց ստեղծելու հաիլութեան առաջին յաջողուած փորձը:

4. Համահայկական մարզական խաղերի եւ մշակութային փառատօների կանոնատր անցկացում եւ դրանք նախապատրաստող մշտապէս գործող կազմկոմիտէների ստեղծում, ինչը թոյլ կը տար համախմբել հայրենիքում ե՛ւ տեղի, ե՛ւ արտերկրի կարող, երիտասարդ ուժերին:

5. ՀՀ-ում մշտապէս գործող երիտասարդական կենտրոնի ստեղծում, որտեղ կանոնատրապէս կ'անցկացուէին բոլոր գաղթօջախներից եկած հայ երիտասարդութեան հաւաքներ:

6. Մասնագիտական բազմաբնոյթ բիզնէս-կազմաւորումների ստեղծում: Որպէս օրինակ Քոչարեանը բերում էր հայ ոսկերիչների, ադամանդագործների միջոցառումները, որոնք թոյլ տուեցին աշխուժացնել տնտեսութեան այդ ճիւղերը:

«Լրջօրէն կազմակերպուած ազգ նշանակում է տնտեսական եւ քաղաքական գործօն: Երրորդ, հազարամեակում հաիլութեան փարբեր հապուածներն առանձին-առանձին եւ ողջ հայ ժողովուրդը իբրեւ պարմական կուռ հաւաքականութիւն, կարող են մեծ առաջընթաց եւ նուաճումներ արձանագրել միասնական ջանքով ու նուիրումով: Հազարամեակներ տեւած մեր հարուստ պարմութեան մէջ հայ ժողովրդի այսօրուայ սերունդը ունի իր ուրոյն եւ բացառիկ առաքելութիւնը, որ պարտատր է պարմուով իրականացնել: Այդ հաւաքով ու ակնկալիքով է Հայրենիքը նախաձեռնել այս խորհրդաժողովը, որին մաղթում եմ յաջողութիւններ եւ արդիւնաւէտ աշխատանք»¹⁰,- ամփոփեց իր ելոյթը ՀՀ Նախագահը:

ՀՀն Սփիուքի համար տնտեսապես գրավիչ երկիր դարձնելու առաջարկություններով խորհրդաժողովի երկրորդ օրը հանդես եկաւ վարչապետ Սարգսեանը: «...Դարն սկսել ենք ողբերգութեամբ, շարունակել ենք ծեղրբերումներով ու կորուստներով, պարտաւոր ենք ասարկել յաղթանակով:

Ուզում ենք, որ 21րդ դարը լինի մերը՝ հայերիս միասնութեան եւ պետականութեան ամրապնդման ու բարգաւաճման ժամանակը»¹¹, – նշեց նա:

Այնուհետեւ Սարգսեանը վկայակոչեց մի շարք իրողություններ եւ ՀՀ կառավարութեան անունից տուեց դրանցից բխող հարցերի պատասխանները: Այդ իրողություններն էին.

1. «Հայաստանն այլեւս վերացական, մշուշապատ Հայրենիք չէ, որ պէտք է նոր յայտնուի: Այն ռեալ, անկախ երկիր է: Այսօր դա Հայաստանի երրորդ Հանրապետությունն է՝ իր մնալին ծեղրբերումներով, իր անթիւ դժուարություններով ու անորոշություններով: ...Այս երկիրը մեր դժուարին, բայց թանկագին Հայրենիքն է»¹²:

2. Պատմական այդ ժամանակահատուածի համար լուծուած համարելով ՀՀի առջեւ կանգնած պայմանական գերինդիւրներից երկուսը՝ յաղթանակն իրեն պարտադրուած պատերազմում եւ ժողովրդի, իշխանությունների եւ քաղաքական ուժերի հաւաքական շրջահայեացութեամբ հաստատած ներքաղաքական անշրջելի կախումպիւնը, որը լրջագոյն գրաւական է յետագայ կենսական քայլերի լուծման համար, վարչապետն ընդգծում էր, որ «միայն համազգային միակամութիւնը եւ ուժերի միասնական լարումն էր, որ Հայաստանին բերեց անկախութիւն եւ փրկեց Արցախը կործանումից...»¹³:

3. «Պատմութիւնը ցոյց է տալիս, որ յաղթում են այն ժողովուրդները, որոնք անելի կազմակերպուած են եւ ուզոյնալ»¹⁴, – որպէս գերինդիւր եւ թիւ երրորդ իրողութիւն վկայակոչեց Սարգսեանը:

Այնուհետեւ ՀՀ վարչապետը կարեւորեց ՀՀ տնտեսական վերելքի անհրաժեշտութիւնը, նշելով՝. «...Այսօր Հայաստանի տնտեսական վերելքը կարեւոր է այնքան, որքան երեկ՝ յաղթանակը պատերազմում»¹⁵: Սարգսեանն ընդգծեց, որ պայքարը պատերազմի դաշտից տեղափոխուել է տնտեսական դաշտ, ուստի եկել է մարդասիրական օգնութիւնից լիարժեք համագործակցութեան անցնելու, զգացմունքային տարերային յարաբերութիւններին անելի արդիւնաւետ, կազմակերպչական ձեւ տալու ժամանակը:

«Կազմակերպչական նոր ձեւերի կայացման համար անհրաժեշտ են բազմաթիւ նախադրեալներ: Սակայն կարեւորագոյնը բարոյաւորեալական նախադրեալն է: Թէ՛ Հայրենիքում, թէ՛ Սփիուքում պառակտումների օրինակները, ցաւօր, շաւր են: Մեզ առաջին

հերթին անհրաժեշտ է փոխադարձ վստահություն եւ հանդուրժողականություն: Եւ այս ազդակներն առաջին հերթին պիտի գան Հայրենիքից»¹⁶, - Նշեց վարչապետը: Որպես սկիզբ նա յայտարարեց, որ կառավարությունը պարտավոր եւ պատրաստ է Սփյուռքին ընկալել որպես հաւասար գործընկեր, անդրադառնալ իրաւական, ֆինանսական, հարկային համակարգերի բարեփոխումներին, ապահովել պայմանագրերի շուրջ ծագող բանավեճերի դատական եւ վարչական կարգաւորումը: Ընդգծելով, որ համագործակցութիւնը ՀՀի հետ լինելու է տնտեսապէս շահաւետ, ներդրումները ՀՀում՝ ծեռնտու, բոլոր վարկերի եւ ներդրումների մասին տեղեկատուութիւնը լուսաբանուելու էր ՀՀ Նախագահի կողմից մատնանշուած համազգային ու պետական հեռուստաալիքներով, վարչապետը շեշտեց, որ վստահութիւնը վերականգնելու, ֆինանսատնտեսական գործընթացները թափանցիկ դարձնելու ուղղութեամբ ՀՀ կառավարութիւնն արդէն իսկ ձեռնարկել է մի շարք որոշակի միջոցառումներ:

Այնուհետեւ Սարգսեանը վկայակոչեց, որ ներքին եւ արտաքին ներդրողներին օժանդակ համալիր ծառայութիւններ մատուցելու համար ստեղծուել է եւ առաջիկայ 5-6 ամիսների ընթացքում լիարժեք կը գործի Զարգացման Հայկական Գործակալութիւնը (ԶՀԳ)¹⁷: ԶՀԳն հանդիսանալու էր իւրօրինակ պատուիւան ՀՀի եւ աշխարհի միջեւ, լինելու էր մէկ կանգառի կենտրոն, որի միջոցով իւրաքանչիւր պոտենցիալ ներդրող կարող էր ստանալ իրեն իւզող բոլոր հարցերի լուծումները՝ օրանաակաեանում դիմաւորման պահից մինչեւ իրաւաբանական, վարչական, տեխնիկական եւ այլ ծառայութիւններ:

Գործակալութեան միջոցով հնարաւորութիւն էր ընձեռուելու առանց բիւրոկրատական քաշքշուկի գրանցել որեւէ ընկերութիւն եւ ստանալ դրա գործունէութեան համար անհրաժեշտ բոլոր արտօնագրերն ու վկայականները:

Գործակալութիւնը իրական կամուրջ էր հանդիսանալու օտարերկրեայ գործարարների եւ ՀՀ իշխանութիւնների միջեւ՝ հնարաւորութիւն տալով նաեւ ՀՀ իշխանութիւններին առաւելապէս իրազեկ լինելու գործարարներին իւզող հարցերին ու ծրագրերին:

Կառավարութիւնը երաշխաւորում էր գործակալութեան գործունէութեան առաւելագոյն թափանցիկութիւն, այն անմիջականօրէն ենթարկում էր ՀՀ վարչապետին, ուղակիօրէն աշխատելու հնարաւորութիւն ունէր ՀՀ Նախագահի, ԱԺ Նախագահի, եւ իշխանութեան միա մարմինների հետ:

Գործակալութեան ղեկավար մարմիններն էին Հոգաբարձուների հսրիւորդը, որի կազմում ընդգրկուելու համաձայնութիւն էին տուել միջազգային ճանաչում ունեցող գործարարներ, բարերարներ,

միջազգային հեղինակաւոր կազմակերպութիւնների ղեկավարներ, ինչպէս նաեւ Տնօրէնների Խորհուրդը, որի կազմում ընդգրկուած էին ՀՀ կառավարութեան տնտեսական բլոկի նախարարներ եւ ներկայացուցիչներ Սփիւռքից¹⁸:

Ի լուր սփիւռքահայ գործարար հատուածի՝ Սարգսեանը յայտարարեց, որ ՀՀ-ն վերակառուցուելով դառնալու է սփիւռքահայ եւ ընդհանրապէս արտասահմանեան ներդնողներին համախմբող կենտրոն՝ իւրաքանչիւրին առանց բիւրոկրատական քաշքշուկների ընձեռելով անհրաժեշտ տեղեկատուութիւն ՀՀ տնտեսական եւ իրաական դաշտի մասին: Ներդնողները Գազիկ Եղիազարեանի կողմից ղեկավարուող այս կառոյցի միջոցով հնարաւորութիւն էին ստանում գրանցել իրենց ընկերութիւնները եւ ստանալ անհրաժեշտ արտօնագրերը: Գործակալութիւնն ունենալու էր չորս վարչութիւն¹⁹, ուր Սփիւռքը ներկայացուած էր լինելու հայաստանաբնակների հետ հաւասարաշափ, մասնագէտները լինելու էին բանիմաց եւ փորձառու, աշխատելու էին լաւագոյն գրասենեակներում եւ ստանալու էին բարձր աշխատավարձ՝ կախման մէջ չլինելով ոչ ոքից: Այս եւ այլ բոլոր ծախսերը կառավարութիւնը վերցնում էր իր վրայ: Նախատեսուում էր գործակալութեան գրասենեակների ստեղծում արտերկրում, մասնաւորապէս Լոնդոնում, Նիւ Եորքում, Լոս Անջելեսում, Բէյրութում եւ Մոսկուայում: Հայրենիքի կառուցման գործընթացում ներգրաւուելու էին նաեւ սփիւռքահայ երիտասարդ կադրերը: Իւրաքանչիւր ամսուայ 15-16ը վարչապետը յայտարարում էր տնտեսական հարցերով ընդունելութիւնների օր:

Այդ եւ այլ կարգի հարցերի համակարգման համար խորհրդաժողովին առաջարկուում էր ստեղծել տնտեսական զարգացման մշտական եանձնաժողով, որի անդամների առնուազն կէսը եւ ղեկավարը լինելու էին սփիւռքահայեր²⁰: Եանձնաժողովի համար, որպէս աշխատանքային մարմին, կարող էր հանդէս գալ ՀՀ-ն: Եանձնաժողովի եւ սփիւռքահայ գործարարների, ընկերութիւնների, քաղաքական եւ տնտեսական գործիչների միջեւ ցանկալի էր համարուում լաւ նախապատրաստուած փոքր խորհրդաժողովների անցկացումը, որոնց հնարաւոր ֆինանսական ծախսերը կառավարութիւնը կարող էր վերցնել իր վրայ:

Համաշխարհային Բանկի եւ ԱՄՆ ղեկաւանատան հետ իրականացուելու էր կոռուպցիայի դէմ պայքարի համապարփակ ծրագիր²¹: Ներդրումների համար բարենպաստ դաշտի ձեւաւորումը բարոյական խնդրից զատ, համարուում էր գործնական նպատակ: Վարկերի իւրացումների եւ կոռուպցիայի յայտնի պատմութիւնների մեղաւորներին ի յայտ բերելու նպատակով վարչապետ Սարգսեանի

գլխատրոպեամբ ստեղծուել էր վարկերի եւ դրամաշնորհների համակարգման եանձնաժողով: Եանձնաժողովի գլխատր վարչութեան պետի պարտականութիւնները դրուել էին Սարգսեանի խորհրդական, էներգետիկայի նախկին նախարար Գագիկ Մարտիրոսեանի վրայ²²: Վարչապետը խոստանում էր ֆինանսատնտեսական գործընթացները դարձնել թափանցիկ:

Սփիւռքահայերին վարչապետն առաջարկում էր մարդասիրական օգնութիւնից անցնել լիարժէք համագործակցութեան: Խոստանալով փոխել մաքսային, տնտեսական, հարկային, քաղաքականութիւնը՝ նա կանխատեսում էր շահաւետ ներդրումներ, քանի որ սփիւռքահայ գործարարները իրենց ձեռնարկների շահաւետ լինելու դէպքում զանգուածաբար կը գային ՀՀ:

Վարչապետը կարեւորեց նաեւ համազգային, համակարգող որեւէ մարմնի ստեղծումը, որը բազում խնդիրներից կը զանազանէր առաւել կարեւորները եւ կ'ուղղորդէր դրանց լուծումը:

Բ. ԽՈՐՀՐԴԱԺՈՂՈՎՈՒՄ ԲԱՐՁՐԱՑՈՒՄ ԱՅԼ ՀԱՐՑԱԴՐՈՒՄՆԵՐ

Խորհրդաժողովում ելոյթներ ունեցան նաեւ ԼՂՀ նախագահ Արկաղի Ղուկասեանը, ՀՀ Արտաքին Գործերի նախարար Վարդան Օսկանեանը, ՀՀ Սահմանադրական Դատարանի նախագահ Գագիկ Յարութիւնեանը, Մայր Աթոռի տեղապահ Ներսէս Արք. Պողապալեանը, Մեծի Տանն Կիլիկիոյ Կաթողիկոս Արամ Ա.ն, Կ.Պոլսի Պատրիարք Մեսրոպ Արք. Մութաֆեանը, Հայ Աւետարանական Համաշխարհային Խորհրդի քարտուղար Վեր. Մովսէս Ճանպազեանը, որոնց ելոյթները հիմնականում ազգային ինքնագիտակցութեան եւ ազգային շահերի մասին էին: Նրանք կարեւորում էին Լեռնային Ղարաբաղի հիմնախնդրի արդարացի լուծումը, ՀՀ անվտանգութեան ապահովումը, Հայոց Ցեղասպանութեան միջազգային ճանաչումը, դատապարտումն ու հատուցումը, ՀՀի տնտեսութեան աշխուժացումը, շրջափակման դժուարութիւնների յաղթահարումը, արտագաղթի կասեցումը, Սփիւռքի ուժացման դէմ պայքարը, Հայ եկեղեցու հզօրացումը, երկքաղաքացիութեան արգելքի վերացումը եւ.:

Նախագահ Ղուկասեանն առաջարկեց Սփիւռքին առաւել սերտ համախմբուել Արցախեան Դատը պաշտպանելու գաղափարի շուրջ, ինչն ամէնից առաջ նշանակում էր գործուն մասնակցութիւն ԼՂՀ տնտեսութեան վերականգնմանը:

Մեծի Տանն Կիլիկիոյ Կաթողիկոս Արամ Ա.ն, անդրադառնալով Հայրենիքի եւ Սփիւռքի միջեւ հաստատուող նոր յարաբերութիւններին, խորհրդաժողովում ընդգծեց. «Ազգային քաղաքականութիւն ունենալ՝ նշանակում է միասին գործել: Ո՛չ Հայաստանը Սփիւռքին պէտք է ասի,

թէ ինչ պէտք է անի, եւ ո՛չ էլ Սփիւռքը՝ Հայաստանին: Հայաստանն ու Սփիւռքը միասին պէտք է որոշեն իրենց անելիքը: Հայաստան պետութիւնը պէտք է ունենայ իր պետական քաղաքականութիւնը, Սփիւռքը՝ իր գաղութային քաղաքականութիւնը: Տարբեր դրուածք ու փարբեր բնոյթ ունեցող իրականութիւններ են Հայրենիքն ու Սփիւռքը: Սակայն միասին գործելը կը նշանակի անպայմանօրէն ունենալ հաւաքական նոյն նպատակները: Մեծի Տանն Կիլիկիոյ Կաթողիկոսութիւնը իր ձեռքն է մեկնում հրամայական դարձած նոր համագործակցութեանը»²³:

Մայր Աթոռի տեղապահ Ներսէս Արք. Պողապալեանը խօսեց ՀՀ ներթափանցած աղանդների մասին եւ Հայ Առաքելական Եկեղեցու դիրքերի սասանման մասին: «Այսօր Հայրենիքն ու Սփիւռքը կարիք ունեն փոխադարձ օգնութեան, աջակցութեան, սատարումի: Սփիւռքը, նիւթական օգնութիւնից, կարեւոր ներդրումներից զատ, պէտք է դառնայ կամուրջ, նոր ու նորովի մի կամուրջ՝ համաշխարհային գործընթացներում ինտեգրացնելու համար Հայաստանի գիտական, մշակութային, արտադրարտնական ներուժը, իսկ Հայրենիքը պիտի շարունակի լինել այն հողը, այն քուրան, որից հոգեւոր-մշակութային էներգիա, ազգային շունչ ու ոգի պիտի առնի աշխարհի չորս ծագերում ապրող հայը՝ իր վրայից թօթափելով սոսկ կրօնական ու ազգային ներամիտի համայնքի ներկայացուցիչ լինելու գաղափարը: Թիկունքում հզօր, անկախ Հայրենիք ունենալը վերացական պատրանք չէ այլեւս, այլ յարստութեան, ինքնութեան հաստատման աներկբայ կոռուս: Եւ այս Հայրենիքին՝ Հայաստան աշխարհին պէտք է լիիրաւ փոր ու ծառայ դառնայ իենց ինքը՝ հայ մարդը՝ անկախ բնակութեան վայրից:

Եթէ հայի՝ աշխարհով մէկ սփռուած լինելու պարագան երեկ համարում էր մեր դժբախտութիւնը, ապա այսօր, հեռավրես ու խոհեմ քաղաքականութեան շնորհիւ, կարելի է այն վերածել աննախադէպ առաւելութեան: Անհրաժեշտ է առաջին հերթին ձգտել եւ հասնել երկրի տնտեսութեան առողջացման, պետութեան եւ ներդրողի փոխադարձ վստահութեան, արտերկրի հաիւթեան եւ հայաստանաբնակի շահերի իրարես միասնութեան: Ահա այս դէպքում մենք այլեւս պէտք չենք ունենայ մեր հայեացքն ուղղելու օտար եւ օտարամէտ քարտերի օգնութեանը, որոնք շատ յաճախ հացի հետ խայծ են բերում մեր երկիր՝ մոխրացնելով, կրակին տալով մեր 1700ամեայ կեցուածքի ողջ նկարագիրը:

...Հայի՝ Հայ Առաքելական Եկեղեցու կողքին գտնուելը միայն հաւաքի խնդիր չէ, այլ ազգային, պետական-ազգամարական նշանակութիւն ունեցող պարագայ: ...Հային Հայ Եկեղեցու կողքին պահելը ամենքիս գործն է, լինի հոգեւորական թէ՛ մարտրական, պարզ

հաապացեալ թէ՛ պետական իշխանաւոր, հայաստանաբնակ թէ՛ սփիւռքահայ»²⁴, - ընդգծեց նա:

Խորհրդաժողովի ընթացքում մասնակիցները մտահոգութիւն յայտնեցին յատկապէս ՀՀից մեծածաւալ արտագաղթի կապակցութեամբ: Նշելով, որ նման խնդրի առաջ կանգնած են անցումային փուլում գտնուող բոլոր երկրները, նախագահ Քոչարեանն ընդգծեց, որ հնարաւորինս արագ պէտք է քայլեր ձեռնարկել ՀՀի տնտեսական վիճակը բարելաւելու ուղղութեամբ, որպէսզի ՀՀից հեռացածները վերադառնան եւ չհասցնեն հիմնաւորուել արտերկրում:

Համահայկական խոշոր կառոյցներից հանդէս եկան ՀԲԸՄի, ՀՕՄի, Ամերիկայի Հայկական Համագումարի, Հայ Դատի Եանձնախմբի ներկայացուցիչները: ՀԲԸՄի անունից հանդէս եկած Պերճ Սեդրակեանն ընդգծեց, որ ՀՀի հզօրացման կարեւորագոյն ազդակը Հայրենիքի տնտեսութեան վերականգնումն է, որին էլ ուղղուած է Միութեան կողմից ՀՀում իրականացուող 40 մլն. դոլարի ծրագրերը²⁵: Բարձրացնելով արտագաղթի կասեցման խնդիրը՝ նա կարեւորեց պետութեան կողմից բիւրոկրատական բարդութիւնների յաղթահարման անհրաժեշտութիւնը, արտագաղթի կասեցման կենսական ծրագրերի մշակումը:

Ելոյթներով հանդէս եկան նաեւ հայ աւանդական երեք կուսակցութիւնների ներկայացուցիչները, ովքեր հիմնականում միաբան էին համահայկական նշանակութիւն ունեցող ձեռնարկներին իրենց մասնակցութիւնը բերելու պատրաստակամութեան առումով: Արտագաղթի խնդրին անդրադարձաւ նաեւ ՍԴՀԿից Վահրիճ Ճերէճեանը, ով ընդգծեց արտագաղթի վտանգաւոր հետեւանքները թէ՛ Արցախեան Հիմնահարցի, թէ՛ հայոց պետականութեան համար եւ կարեւորեց միասնաբար արտագաղթի վտանգի կասեցման անհրաժեշտութիւնը, համատեղ լոբբինգի եւ քարոզչութեան կազմակերպումը եւ Արցախի պահպանումն ու զօրացումը:

Սփիւռքի պատուիրակները կարեւորեցին ներգաղթի կազմակերպումը, ինչի համար առաջարկեցին ստեղծել աշխատանքային խումբ: Սակայն, վարչապետ Սարգսեանը նշեց, որ ՀՀն այդ մասին պաշտօնապէս կը խօսի, երբ կ'ունենայ դրա տնտեսական եւ բարոյական իրաւունքը, երբ մօտ ապագայում կ'ունենայ տնտեսական զարգացում: *«Արտագաղթը որքերգութիւն է, բայց եկէք անելի չարսափեցնենք իրավիճակը: Մեր հայրենիքը կ'որուած ծառերի, լքուած տների երկիր չէ: Հայաստանը շէն երկիր է եւ հայերը ապրում են Հայաստանում»²⁶*-յայտարարեց նա:

ՀՅԴ Բիւրոյի անդամ Կարօ Արմէնեանն անդրադարձաւ տարածաշրջանում հայոց անկախ պետականութեան լինելիութեան խնդրին, ՀՀի առջեւ ծառացած երկու խնդիրներին՝ տնտեսութեան եւ

արտաքին քաղաքականության հիմնախնդիրներին: Ըստ Արմէնեանի՝ ՀՀ-ն կովկասեան տարածաշրջանում գործող միջազգային ուժերի ձեռքին պատանդ պետութիւն չդառնալու համար պէտք է «հայկական կողմ» հասկացութեան մէջ ներառի նաեւ Սփիւռքը՝ որպէս քաղաքական ուժ²⁷:

ՈԱԿ ներկայացուցիչ Խաչիկ Աղամեանն անդրադարձաւ Հայ Դատի, Հայոց Ցեղասպանութեան, Արցախեան Հիմնահարցի, Հայաստանեայց եկեղեցու, լեզուական, երկքաղաքացիութեան արգելքի վերացման խնդիրներին: Հանդէս գալով եկեղեցու երկփեղկութեան վերացման օգտին՝ նա նշեց, որ Էջմիածնի գերագոյն իշխանութիւնը պէտք է ընդունուի բոլորի կողմից՝ պահպանելով Կիլիկիայի աթոռի սկզբնական սահմանները²⁸:

ՀՅԴ ՀՀի ԳՄ ներկայացուցիչ, ԱԺ պատգամաւոր Վահան Յովհաննիսեանն ընդգծեց, որ արդէն թոյլ են տրուած բոլոր հնարաւոր եւ անհնար սխալները եւ մնում է միայն դրանք ուղղելը: Նա կոչ արեց զօրացնել Հայրենիքը, գոյութեան եւ միատրման առանցքային գաղափար համարելով *«Հայ դաւը իր բովանդակ իմաստով՝ հայ մարդու արժանաւայել գոյութեան պայմանների ստեղծմամբ»*²⁹:

Խորհրդաժողովում «Միասնութիւն» դաշինքի տեսակէտները ներկայացրեց Անդրանիկ Մարգարեանը, Հայաստանի Կոմունիստական Կուսակցութեանը՝ Սերգէյ Բաղալեանը, «Օրինաց երկիր» Կուսակցութեանը՝ Սերգէյ Երիցեանը, ԱԺՄ Կուսակցութեանը՝ ՀՀի առաջին վարչապետ Վազգէն Մանուկեանը: Մշակոյթի գործիչների խօսքը խորհրդաժողովում հնչեցրին Սիլվա Կապուտիկեանը եւ Վահէ Օշականը: Սփիւռքահայ մշակոյթի պահպանութեան համար Օշականը ընդգծեց միասնական լեզուի հարցը³⁰:

Խորհրդաժողովում հնչեցին առաջարկներ նաեւ Սփիւռքի հարցերով կառավարական եանձնաժողովի փոխարէն համապատասխան նախարարութիւն ստեղծելու վերաբերեալ³¹: Նպատակայարմար էր համարուած Սփիւռքի հարցերով նախարարի պաշտօնի համատեղումը ՀՀ վարչապետի կամ ՀՀ Արտաքին Գործերի նախարարի կողմից: Նախագահ Քոչարեանը նման նախարարութեան ստեղծումը հնարաւոր համարեց:

Այսպիսով ՀՀ-Սփիւռք առաջին համահայկական խորհրդաժողովի մասնակիցները կարեւորեցին Սփիւռքի եւ ՀՀի միջեւ առկա անջրպետի վերացումը, հաիւթեան համախմբուած լինելը, փոխճանաչողութիւնը, Սփիւռքի հետ կապ հաստատելու նպատակով կառավարական մակարդակով կենտրոնի ստեղծումը, ՀՀի տնտեսական զարգացումն ապահովելու համար բիզնէսի զարգացման հիմնադրամի ստեղծումը, ՀՀի եւ Սփիւռքի միջին եւ փոքր բիզնէսի հեռանկարային ծրագրերը վարկաւորելու նպատակով համահայկական քանկի ստեղծումը³² են.:

Քննարկուած հիմնարար հարցերն էին՝ Հայոց Յեղասպանութեան ճանաչում եւ դատապարտում, Արցախեան Հիմնահարց եւ ՀՀ տնտեսական զարգացում:

ՀՀ-Սփիւռք համահայկական առաջին խորհրդաժողովի վերջին ակորդը գործարար հանդիպումն էր սփիւռքահայ գործարար շրջանակների ներկայացուցիչ-պատուիրակների հետ, որտեղ ՀՀ կառավարութեան, կազմակերպութիւնների ներկայացուցիչները՝ Արմէն Դարբինեանի գլխատրութեամբ ներկայացնում էին, որ ՀՀն նախորդ տարիների համեմատ առաջընթաց է ապրել:

ՀՀ-Սփիւռք առաջին խորհրդաժողովն ընդունեց երկու հիմնարար փաստաթուղթ. Հռչակագիր եւ Յայտարարութիւն Արցախի մասին:

Հռչակագրում ամրագրուեցին աշխարհասփիւռ հաիւթեան համազգային առաջնահերթութիւնները, յստակեցուեցին այն սկզբունքներն ու պարտաւորութիւնները, որոնցով հաիւթիւնը պէտք է առաջնորդուէր, ինչպէս միասնաբար, այնպէս էլ առանձին-առանձին՝ առկայ խնդիրներին համապատասխան:

Հռչակագրով խորհրդաժողովի մասնակիցները գտնում էին, որ ՀՀն ու նրա պետական կառոյցներն անհրաժեշտութիւն ունեն վերաիմաստաւորելու իրենց դերը՝ ի պաշտպանութիւն Սփիւռքի շահերի եւ իղծերի:

Հռչակագիրը վերահաստատում էր հաիւթեան եանձնառութիւնը՝ հաւաքական, համատեղ ուժերով հասնելու միջազգային հանրութեան կողմից Հայոց Յեղասպանութեան անվերապահ ճանաչմանն ու դատապարտմանը³³:

Ազգային մեծ իրագործում հռչակելով նոր հազարամեակի շէմին Արցախի ազատագրումը օտարի լծից՝ Հռչակագիրն ազդարարում էր, որ ՀՀն ու Սփիւռքը այսուհետ եւս շարունակելու են սատարել իր նախնեաց հողերին պաշտպան կանգնած եւ ազատ ապրելու իրաւունք նուաճած արցախահաիւթեան ազատ եւ անվտանգ ապրելու կամքին, Արցախի զօրացմանն ու զարգացմանը:

Արցախին վերաբերող յայտարարութիւնը իր ճակատագիրը տնօրինելու Արցախի ժողովրդի օրինական իրաւունքի իրագործումը վճռորոշ էր համարում ողջ հաիւթեան ապագայի համար: Յայտարարութիւնն առաջնային էր համարում Արցախի ժողովրդի ինքնորոշման վերահաստատումը, ինչը ենթադրում էր ԼՂՀ ճանաչումը որպէս միջազգային իրաւունքի սուբեկտ³⁴:

ՀՀ-Սփիւռք խորհրդաժողովը ցոյց տուեց, որ ՀՀն ու Սփիւռքը միասնական են համազգային հարցերի շուրջ: Միեւնոյն ժամանակ մասնակիցները հասկանում էին, որ խորհրդաժողովը միանգամից չի լուծելու հաիւթեանը իւզող բոլոր խնդիրները եւ չի տալու բոլոր հարցերի

պատասխանները, սակայն համարում էին, որ այն պէտք է «...սկիզբ դնի աշխարհում հափքեան կազմակերպութեան նոր բարձր աստիճան ապահովելուն»³⁵:

ԵՃՐԱԿԱՑՈՒԹՅՈՒՆՆԵՐ

1. Հայաստան-Սփիւռք առաջին խորհրդաժողովն առաջին անգամ էր կազմակերպում հայ իրականութեան մէջ եւ ըստ էութեան խորհրդանշական մեծ բնոյթ ունէր: Առաջին անգամ անկախ ՀՀի պայմաններում մէկ յարկի տակ էին հաաքուել համայն հայութեան գրեթէ բոլոր ներկայացուցիչները, որը ոգետրիչ դեր կատարեց եւ հիմք հանդիսացաւ յետագայ նմանատիպ հանդիպումների համար:

Անշուշտ, խորհրդաժողովն արժեւորեց հայ իրականութեան համար այնպիսի հիմնարար արժէքների պահպանումն ու փոխանցումը սերունդներին, ինչպիսիք էին համայն հայութեան համախմբումն ու միաբանութիւնը ազգային գերխնդիրների լուծման շուրջ, ՀՀի հզօրացումն ու զարգացումը, Հայաստան-Սփիւռք-Արցախ եռամիասնութիւնը, հայութեան ներուժի լիարժէք կենսագործումը, հայապահպանութիւնը Սփիւռքում:

2. Առաջին խորհրդաժողովում էր, որ ընդունուեցին «Հռչակագիր» եւ «Յայտարարութիւն Արցախի Մասին», սահմանուեցին համազգային առաջնահերթութիւնները, որոնք էին՝ Հայոց Յեղասպանութեան միջազգային ճանաչումն ու դատապարտումը, Արցախեան հիմնահարցի կարգաւորումը, Հայաստանի տնտեսական վերելքին նպաստելը³⁶: Յետագայ խորհրդաժողովների ժամանակ այս հիմնական առաջնահերթութիւններին աւելացան նորերը, որոնց լուծմանն ու իրականացմանը պէտք է ձեռնամուկ լինէր ամբողջ հայութիւնը:

3. Թէեւ խորհրդաժողովում քննարկման դրուեցին հայութեանը յուզող բազմաթիւ հարցեր ու հիմնախնդիրներ, այնուամենայնիւ, յետագայ տարիները ցոյց տուեցին, որ դրանց հիմնական մասը մնացին լոկ առաջարկութիւններ, իսկ որոշների իրականացման համար պահանջուեցին տարիներ:

4. Խորհրդաժողովում երկբաղաքացիութեան ընդունման վերաբերեալ բարձրացուած առաջարկները իրականութիւն դարձան միայն 2008 Ապրիլին, սահմանադրական բարեփոխումներից յետոյ, երբ «Քաղաքացիութեան Մասին» ՀՀ օրէնքում ընդունուած փոփոխութիւնների հիման վրայ ՀՀում ներդրուեց երկբաղաքացիութեան ինստիտուտը: Իհարկէ, սկզբնական շրջանում օրէնքը գերծ չէր թերութիւններից, ինչը դժգոհութեան տեղիք տուեց սփիւռքահայութեան շրջանում, սակայն ժամանակի ընթացքում այն զգալիօրէն բարեփոխուեց եւ յարմարեցուեց նրանց պահանջումներին:

5. Խորհրդաժողովն արձանագրեց, որ Հայոց Ցեղասպանության միջազգային ճանաչման եւ դատապարտման ուղղութեամբ հենց Ափիւռքն է, որ սկսել է պայքարը՝ ծառայելով աշխուժ լոբբիստական գործունէութիւն եւ արձանագրելով գործնական յաջողութիւններ այդ ոլորտում³⁷:

6. ՀՀի տնտեսութեանը զարկ տալու համար երկրի իշխանութեան բարձրաստիճան ներկայացուցիչները մեծ տեղ էին յատկացնում յատկապէս Ափիւռքին եւ ընդգծում էին մարդասիրական օգնութիւնից դէպի կազմակերպչական գործունէութեան դաշտ անցնելու անհրաժեշտութիւնը: Իհարկէ, պետութիւնն հասկանում էր, որ այդ ասպարէզում յաջողութեան հասնելու համար նախ եւ առաջ անհրաժեշտ է «փոխադարձ վստահութիւն եւ հանդուրժողականութիւն», որն առաջին հերթին պէտք է ապահովէր Հայրենիքը: Խորհրդաժողովում թէեւ անչափ կարեւորուեց սփիւռքահայերի ներդրումային քաղաքականութեան աշխուժացումը Հայաստանում, նրանց համար տնտեսական գործունէութեան բարենպաստ միջավայրի ստեղծումը, սակայն մինչ օրս այդպէս էլ ՀՀն չի կարողանում ներդրումային գրաւիչ քաղաքականութիւն վարել եւ գործունէութեան նպաստաւոր դաշտ ստեղծել սփիւռքահայ գործարարների համար: ՀՀի իրաւական, ֆինանսական, հարկային, մաքսային համակարգն այդպէս էլ ճկուն չդարձաւ, ֆինանսատնտեսական գործընթացները շարունակեցին մնալ ոչ-թափանցիկ, ուստի այդ ամէնը եւ առկայ վարչարարական քաջքշումները, կաշառակերութիւնը եւս յանգեցրին սփիւռքահայերի շրջանում վստահութեան անկմանը, ներդրումային քաղաքականութեան ծախսողմանը:

7. Թէեւ խորհրդաժողովում ՀՀ պետական այրերի կողմից մեծ տեղ յատկացուեց Զարգացման Հայկական Գործակալութեանը, որը պէտք է դառնար համահայկական եւ բոլոր ներդրողներին համախմբող իւրօրինակ կենտրոն եւ ուղղում լինէր Ափիւռքի ներուժի ուղղորդմանը դէպի հայաստանեան տնտեսութեան զարգացում, սակայն ԶՀԳն այդպէս էլ չդարձաւ նման լայն գործառոյթներով օժտուած մարմին եւ չձառայեց բուն նպատակին, ինչի համար նախատեսուած էր ի սկզբանէ:

8. Խորհրդաժողովում բազմիցս արծարծուած արտագաղթի խնդիրը չլուծուեց, այն առկայ է մինչեւ մեր օրերը եւ շարունակում է մնալ որպէս օրակարգային ու հրատապ խնդիր:

9. Հայոց լեզուի միասնականութեան հարցը եւս մինչ օրս մնում է օրակարգային. երկու լեզուների մերձեցման ուղղութեամբ ձեռնարկուած քայլերը դեռեւս երեւում են եւ անվճռական: Խնդիրն առաւել քան երբեւէ հրատապ է, մանաւանդ որ արեւմտահայերէնը վտանգուած է եւ

ԻՒՆԵՍԿՕի կողմից դասուել է «առանձնապես վտանգուած լեզուներ»ի շարքին:

10. Անշուշտ երիտասարդութեան համախմբմանը միտուած ծրագրերը լայն կիրառում ստացան նաեւ յետագայում: Մինչ օրս արդիւնաւէտ կերպով տեղի են ունենում համահայկական մարզական խաղեր, բազում մշակութային փառատօներ, երիտասարդական հաւաք-համաժողովներ, որոնք Սփիւռքի հայ երիտասարդութեանը ծանօթացնում են Հայրենիքին, նպաստում նրանց ազգային ինքնութեան պահպանմանն ու հայրենաճանաչութեանը:

11. Խորհրդաժողովում մեծ տեղ յատկացուեց նաեւ Սփիւռքի մասնագիտական ներուժի համախմբմանն ու զարգացմանը: Այդ նպատակով պարբերական դարձաւ եւ յետագայում լայն կիրառում գտաւ մասնագիտական հանդիպումների, համաժողովների կազմակերպմանն ու անցկացման գործընթացը, որոնց արդիւնքում ստեղծուած համահայկական ընկերակցութիւնները, միատրելով աշխարհի հայ ոսկերիչների, գործարարների, ճարտարապետների, մշակոյթի գործիչների, նպաստում էին այդ ճիւղերի զարգացմանն ու բնագաւառային հեռանկարային ծրագրերի իրականացմանը:

12. Խորհրդաժողովում Սփիւռքի հարցերով զբաղուող համապատասխան նախարարութիւն ստեղծելու առաջարկն իրականութիւն դարձաւ միայն 2008ին, երբ ստեղծուեց Սփիւռքի հետ աշխատող պետական կառավարման մարմին՝ Սփիւռքի Նախարարութիւն:

13. Իրականութիւն դարձաւ նաեւ «Համահայկական Բանկ»ի ստեղծման գաղափարը: 2009 Մարտին ՀՀ Կենտրոնական Բանկի որոշմամբ հիմնադրուեց «Համահայկական Բանկ» բաց բաժնետիրական ընկերութիւնը, որը ձեռնարկութիւնների զարգացման դրամատուն է: Դրամատան պաշտօնական բացումը տեղի է ունեցել 2011 Սեպտեմբերի 7ին: Դրամատան գործունէութիւնը կարգաւորում է ՀՀ Կենտրոնական Բանկի կողմից: Դրամատան նպատակը միջազգային ելեմտական կազմակերպութիւններից եւ զարգացմանն ուղղորդուած մասնաւոր աղբիւրներից երկարաժամկէտ նիւթական միջոցների հաւաքագրումն է եւ այդ միջոցները Հայաստանում հիմնադրուած եւ գործող մրցունակ ձեռնարկութիւններին յատկացումը՝ երկարաժամկէտ վարկերի կամ քաժնային ներդրումների տրամադրման միջոցով:

14. Իհարկէ ՀՀն գիտակցում էր, որ Սփիւռքն իր բազմազանութեամբ ունի իր առանձնայատկութիւնները եւ նրա հետ յարաբերութիւններում պէտք է առաջնորդուել այդ ամէնը հաշուի առնելով, սակայն, մինչ օրս այդ ոլորտում առկայ են լուրջ բացեր ու բազում չլուծուած խնդիրներ: Թէւ առաջին խորհրդաժողովը նախատեսում էր սփիւռքահայութեան

մասնակցութեան ծեւերի մշակում հայոց ազգային պետականութեան հաստատման ու զօրացման գործին, յետագայ տարիներին այդ ուղղութեամբ ձեռնարկուած փորձերը ցանկալի արդիւնք չտուեցին: Մինչ օրս էլ Սփիւռքը անմասն է լիարժէք կերպով այդ գործընթացին մասնակցութիւնից: Ժիշտ է Սփիւռքը շարունակեց իր ներուժը ներդնել Հայաստանի գիտութեան, կրթութեան, առողջապահութեան, տնտեսական եւ այլ ոլորտներում, իր աջակցութիւնը շարունակեց երկրաշարժի հետեւանքների վերացմանն ու անցումային շրջանում գտնուող Հայաստանի ընկերային խնդիրների լուծմանը, փորձեց Հայաստանում եւ Արցախում մարդասիրական ծրագրերից անցում կատարել ձեռնարկատիրական գործունէութեան, սակայն երկրի օրէնսդրական դաշտի անկատարութիւնը յանգեցրեց նրան, որ բազմաթիւ սփիւռքահայեր հիասթափուեն եւ կորցնեն վստահութիւնը մի շարք ծրագրերի արդիւնաւէտ կենսագործման հարցում:

Այսպիսով առաջին եւ յետագայ տարիներին հրափրուած խորհրդատուականներում արծարծուած այն հարցերը, որոնք վերաբերում էին սփիւռքահայերի մասնակցութեանը ազգային պետականութեան ամրապնդմանը եւ համազգային խնդիրների լուծմանը, նոյնպէս մինչ օրս շարունակում են մնալ զուտ քննարկումների եւ կիրառելի ծեւերի որոնման փուլում: Որոշ տեսաբաններ, ելնելով Սփիւռք ունեցող մի շարք երկրների փորձից, գտնում են, որ ի թիւս մի շարք խոչընդոտների, գործընթացի ձգձգմանը խանգարում է նաեւ Սփիւռքի ապակենտրոնացումը, նրան համախմբող մէկ, միասնական կառոյցի բացակայութիւնը: Եւ պատահական չէ, որ այդ ուղղութեամբ վերջին տարիներին ձեռնարկուած քայլերը կարծես թէ դուրս են իրական հողի վրայ. Հայոց Յեղասպանութեան 100րդ տարելիցի միջոցառումները համակարգող պետական յանձնաժողովը 2015 Սեպտեմբերի 26ին Երեւանում տեղի ունեցած ճոճ նիստում որոշում ընդունեց Համահայկական Խորհուրդ, ձեւավորելու մասին: Ստեղծուեց Համահայկական Խորհրդի ձեւատրման կազմակերպչական յանձնախումբ, որի կազմում ընդգրկուած են պետական, հոգեւոր, համահայկական կառոյցների ներկայացուցիչներ: Ժամանակի ընթացքում պարզ կը դառնայ, թէ արդե՞ս կառոյցը յաջողեց իր նպատակներում՝ դառնալով համայն հայութեանը միատրուղ կարեւորագոյն գործիք եւ հանգրուան:

15. Հայաստան-Սփիւռք առաջին խորհրդատուական արձանագրեց ակնյայտ այն իրողութիւնը, որ սեփական զարգացման ուղին բռնած անկախ Հայաստանը պէտք է յաղթահարի բազում ներքին եւ արտաքին դժուարութիւններ, որոնց կարող է դիմակայել միմիայն

կազմակերպութեամբ, զօրեղացմամբ ու Հայաստան-Սփիւրք-Արցախ անխախտ եռամիասնութեամբ:

ԾԱՆՕԹԱԳՐՈՒԹԻՒՆՆԵՐ

- ¹ Հայաստան-Սփիւրք առաջին համահայկական խորհրդածողովի կողմից ընդունուած հիմնական փաստաթղթերին ու ծրագրային առաջարկներին առաջիկայում կ'անդրադառնանք մեր յաջորդ յօդուածներում:
- ² Հայաստանի Հանրապետութիւն, 23.09.1999. Նաեւ՝ «Հայաստանը Համայն Հայութեան Հայրենիքն է», Հայաստանեայց Անարարանական Եկեղեցի, 1999, N 4 (12), Հոկտեմբեր, էջ 6:
- ³ Նոյն. Նաեւ՝ Բ. Պետրոսեան, Հայրենիք-Սփիւրք Յարաբերութիւնները 1988-2001թթ., Երեւան, ՀՀ ԳԱԱ «Գիտութիւն» Հրատ., 2011, էջ 46. Նաեւ՝ Երկիր, 23.09.1999. Նաեւ՝ Harut Sassounian, "Second Diaspora-Armenia Conference Should Be Results-Oriented. Not a Show", 07.02.2002 (<http://groong.usc.edu/ADconf/200205/ad-20020207.html>). Նաեւ՝ UN Office for the Coordination of Humanitarian Affairs, "OCHA Situation Report for Armenia - Sep 1999", 30.09.1999 (<http://reliefweb.int/report/armenia/ocha-situation-report-armenia-sep-1999>). Նաեւ՝ "The Armenian Diaspora" (http://armenianstudies.csufresno.edu/hye_sharzhoom/vol21/october67/news.htm):
- ⁴ Ազգ, 24.09.1999. Նաեւ՝ Բ. Պետրոսեան, Հայրենիք-Սփիւրք, էջ 46:
- ⁵ Նախագահ Ռոբերտ Քոչարեանի ելոյթը Հայաստան-Սփիւրք խորհրդածողովին (22.09.1999), <http://2rd.am/hy/Nakhagah-Robert-Kocharyan-elyuty-Hayastan-Spyurq-arajin-Korhrdajoghovin>, 26.09.2012. Նաեւ՝ Հայաստանի Հանրապետութիւն, 23.09.1999. Նաեւ՝ «Հայաստանը Համայն Հայութեան Հայրենիքն է», էջ 6. Նաեւ՝ Հայոց Աշխարհ, 23.09.1999:
- ⁶ Նոյն. Նաեւ՝ *Respublika Armenia* (Հայաստանի Հանրապետութիւն), 23.09.1999. Նաեւ՝ Բ. Պետրոսեան, «Հայրենիք-Սփիւրք Քաղաքական Առնչութիւնները 1990ական թթ.», Կանթեղ, Գիտական Յօդուածների Ժողովածու, Գիրք 3 (36), Երեւան, Ասողիկ, 2008, էջ 152:
- ⁷ Նախագահ Ռոբերտ Քոչարեանի ելոյթը Հայաստան-Սփիւրք խորհրդածողովին. Նաեւ՝ Հայաստանի Հանրապետութիւն, 23.09.1999. Նաեւ՝ *Respublika Armenia*, 23.09.1999:
- ⁸ Նոյն:
- ⁹ Նոյն:
- ¹⁰ Նոյն:
- ¹¹ Ասպարէզ, 24.09.1999. Նաեւ՝ Հայաստանի Հանրապետութիւն, 24.09.1999. Նաեւ՝ "Prime Minister Vazgen Sargsyan's Speech at the Armenia-Diaspora Conference" (23.09.1999), 13.12.1999 (<http://www.groong.com/ADconf/199909/speeches/vazgen.html>):
- ¹² Հայաստանի Հանրապետութիւն, 24.09.1999. Նաեւ՝ Երկիր, 24.09.1999. Նաեւ՝ "Prime Minister Vazgen Sargsyan's Speech":
- ¹³ Նոյն:

- ¹⁴ Նոյն:
- ¹⁵ Նոյն:
- ¹⁶ *Երկիր*, 24.09.1999. Նաե՛լ "Prime Minister Vazgen Sargsyan's":
- ¹⁷ *Հայաստանի Հանրապետություն*, 24.09.1999. Նաե՛լ "Prime Minister Vazgen Sargsyan's":
- ¹⁸ Նոյն:
- ¹⁹ *Ազգ*, 24.09.1999. Նաե՛լ "Prime Minister Vazgen Sargsyan's":
- ²⁰ *Հայաստանի Հանրապետություն*, 24.09.1999:
- ²¹ *Ազգ*, 24.09.1999. Նաե՛լ *Ասպարեզ*, 24.09.1999. Նաե՛լ *Հայոց Աշխարհ*, 24.09.1999. Նաե՛լ *Երկիր*, 24.09.1999:
- ²² *Ազգ*, 24.09.1999:
- ²³ *Երկիր*, 23.09.1999. Նաե՛լ *Respublika Armenia*, 24.09.1999.
- ²⁴ «Կաթողիկոսական Տեղապահ Տ. Ներսէս Արքեպիսկոպոս Պողոսյանի Ողջոյնի խօսքը՝ Աստած Հայաստան-Սփիւղը Համահայկական Խորհրդաժողովի Բացմանը», *Էջմիածին, Պաշտօնական Ամսագիր Հայրապետական Աթոռոյ Ս. Էջմիածնի*, Օգոստոս-Սեպտեմբեր, 1999, էջ 17-18. Նաե՛լ *Ազգ*, 23.09.1999:
- ²⁵ Նոյն. Նաե՛լ Berge Setrakian, "AGBU's Address at the Armenia-Diaspora Conference" (1999), 25.01. 2000 (<http://www.groong.com/ADconf/199909/speeches/agbu.html>):
- ²⁶ *Հայոց Աշխարհ*, 24.09.1999:
- ²⁷ Նոյն:
- ²⁸ *Ազգ*, 24.09.1999:
- ²⁹ *Հայաստանի Հանրապետություն*, 24.09.1999:
- ³⁰ Նոյն. "Vahe Oshagan's Statement at the Armenia-Diaspora Conference" (1999) <http://www.groong.com/ADconf/199909/speeches/oshagan.html>:
- ³¹ *Respublika Armenia* 24.09.1999.
- ³² *Երկիր*, 24.09.1999:
- ³³ *Հայոց Աշխարհ*, 24.09.1999. Նաե՛լ *Respublika Armenia*, 28.09.1999.
- ³⁴ *Հայոց Աշխարհ*, 24.09.1999:
- ³⁵ Նախագահ Ռոբերտ Քոչարեանի ելոյթը. Նաե՛լ *Հայաստանի Հանրապետություն*, 23.09.1999. Նաե՛լ *Respublika Armenia*, 23.09.1999.
- ³⁶ Ցետազայ տարիներին ես Սփիւղը շարունակեց իր մասնակցութիւնը «Հայաստան» Համահայկական ծրագրին՝ Ազգային տուրքի միջոցով մասնակցելով հայրենիքում իրականացուող ռազմավարական մի շարք ծրագրերի կեանքի կոչմանը:
- ³⁷ Անկախութեան պայմաններում այդ գործընթացին լծակից եղաւ Նաե՛լ ՀՀ, որի գազաթնակէտը Հայոց Ցեղասպանութեան 100րդ տարելիցի միջոցառումներն էին: 2011 Ապրիլին ՀՀ Նախագահ Սարգսեանի հրամանագրով ստեղծուեց Հայոց Ցեղասպանութեան 100րդ տարելիցին նուիրուած միջոցառումները համակարգող պետական յանձնաժողով, իսկ Սփիւղում ստեղծուեցին 61 տարածաշրջանային յանձնախմբեր (50

երկրներում), որոնք 2015ի Հայոց Տեղասպանության 100րդ տարելիցի առիթով բազմաթիւ քաղաքական, քարոզչական, կրթամշակութային եւ այլ բնոյթի ձեռնարկներ անցկացրեցին ամէնուր:

A NEW FORMAT OF ARMENIA-DIASPORA COOPERATION:
THE FIRST ARMENIA-DIASPORA CONFERENCE

(Summary)

KNARIK PETROSYAN

k_narik@mail.ru

On 22-23 September 1999 the first Pan-Armenian Armenia-Diaspora Conference, which was to build a qualitatively new level of Armenia-Diaspora relations, organize solid cooperation in accordance with modern requirements, discuss joint Pan-Armenian issues and outline their resolutions² was held in Yerevan. Over 1200 representatives from 50 countries participated in the conference. There were about 70 speeches, which were mainly related to politics, economy and culture. Among the key speakers were President Robert Kocharyan and PM Vazgen Sargsyan. The main discussed issues discussed related to the recognition and condemnation of the Armenian Genocide, the Nagorno-Karabakh conflict and the economic development of Armenia.

The article underlines the importance of the issues raised, and briefly analyzes the implementation of some of the resolutions about the issues raised. The author notes that some of the concerns raised were addressed in due time, others were partly resolved while certain topics still remain pending and unaddressed, due to bureaucratic failures.